



იუმორისტ. ჟურნალი

აშუაპირი აპოკალიფსი

№ 16



კინე ქარ. აშხ.



ო. ილინიძე

კინე ქარ. აშხ.

ლომის ღმერთი. მკობხვი, იქნება შენ მითხრა როდის მოვლება ბოლო
ამ საშინელებას

მკობხო 331

სამი დღე კახეთში.

საამური სანახავი იყო ჩვენი მატარებელი, როცა ჩილოუბნის ხეულში გველივით იკლაკნებოდა. ტყუილია, თითქო ქართველ ინტენერს არ შეეძლოს გზის ხელოვნურათ მიხვევ-მოხვევა. — ეს ჩილოუბანი, პირში ჩაღა გამოვლებულს დასტოვებს ჩვენ თავად-აზნაურებსო, იხუმრა ვიღამაც, როცა გზის პირად მოზღვაებული მეწყერი დაინახა.

თავ-თავკვე მატარებელი ცოტა მეტის სისწრაფით დაეჩინა და თითქო რაღაც მოულოდნელათ შეიჭრა ვენახებით აყვითლებულ სოფელში. სწორეთ გამოაცოა ლედვისა და ვენახის სიმრავლე.

ერთ ეზოში, ლედვის ქვეშ, ღრმად ჩაფიქრებული კვიანი ვირი ება. ჩემს მესიერებაში უნებლიეთ გადაიშალა ის ფურცელი, რომელზედაც კიტას ფილოსოფოსი დათიკო კასრამე სწერია. საზოგადოთ ყველა მოგზაურები აღნიშნავენ, ხოლო მე, ქიზიყში, ვირების სიმრავლეს. „საქართველოს“ რედაქცია, სადაც დ. კასრამე თანამშრომლობს, სამართლიანად არა სთვლის ამ გარემოებას სამწუხარო მოვლენათ.

ვირი, რომელიც ლედვის ქვეშ ება და რომელმაც ისე უნებლიეთ მომაგონა ჩვენი სასიკაღლოლო მოღვაწე, არხეინათ იცხონებოდა. მე მგონია იცხონებოდა. სიმართლე მოგახსენოთ კარგათ აღარ მახსოვს იცხონებოდა თუ არა. შეიძლება ეს ცოხნა ახლა დ. კასრამის წერილმა მომაგონა და მე იმ უდანაშაულო ცხოველს მივაწერე. ყოველ შემთხვევაში თქვენ შეგიძლიათ ნახოთ „ღედა-ენაში“ და თუ ვირი მცოხნელი ცხოველი არ გამოდგება, მაშინ ბ-ნი კასრამე იქნება დანაშაული.

სოფელი სოფელს მისდევს, ზვარი ზვარს. ჩვენ გურჯაანს ვუახლოვდებით. აი აქ არის ის სანაქებო ტალახი, რომელიც თვით პოლონეთისა და რუსეთის ტალახებს სჭარბობს ღირსებით. მართალია მათ დიდი სტრატეგიული მნიშვნელობა არა აქვთ და თუ რაიმე მნიშვნელობა ჰქონდა თანამედროვე ტალახების მსგავსი, უკვე დაჰკარგა რკინის გზის გაყვანით, მაგრამ ხალხი მაინც ძლიერ ეტანება და ჩვენს მატარებელსაც ბევრი საინტერესო ტვირთი მოაკლდა.

ამ ტალახის ეროვნულ მნიშვნელობის შესახებ ქვევით მოვილაპარაკებთ, ახლა კი მიინდა შევეხო, მის ღირსებას, როგორც ასეთს.

გურჯაანის, ანუ უკეთ ვსაქვათ ახტლის ტალახი, ეს იგივეა, რაც ახოზაძის სპერმატინი, ან სხვა რომელიმე ამგვარი მედიკამენტი. ის არჩენს ყოველგვარ ავადმყოფს. განსაკუთრებით ის უხდება ყოველგვარ ქარებიანს, გარდა ერთგვარი ქარებისა. სამწუხაროთ ეს უკანასკნელი სახე ქარების ყველაზე მეტად გავრცელებულია ჩვენს ინტელიგენციაში. ფეხისა და საზოგადოთ ტანის ქარი ერთი კვირის ტალახში გორაობის შემდეგ სრულიად ქრება.

მე კახეთისათვის წინთაც მომივლია თელით თვით „ვარსკლავთა მომიჯნავე“ ქალაქიდან და მინახავს ალაზნის ველის დიდებული სანახაობა. ამიტომ არის, რომ პოეტურ აღტაცებას ადვილთ არა აქვს ჩემს შენიშვნებში. დღევანდელი ჩემი მოგზაურობა უფრო კერძო ხასიათისაა. ჩემს მიზანს ქთელავი შეადგენს და მხოლოდ საღამოს ექვს საათზე შეჰკვილა მატარებელმა სადაც შორს, მთის ფერღობზე გაშენებულ პატარა ქალაქს.

სადღურიდან თელავამდე ოთხი ვერსი აღმართია. გერმანელები, როგორც მოგეხსენებათ, ოცი წლის წინათ აკეთებდენ დღეს გამოსადეგარ გზებსა და პლათფორმებს. წინასწარ განსჯერტა საგნისა არც ქართველ კაცს აკლია. ამიტომ არ მიევიოს, როცა ქალაქიდან ასე შორს დაუქვრიათ სადღური. ვინ არ იცის, რომ ქალაქი გარყენილების ბუღუ და გამხრწნელ გავლენას ახდენს მოზარდ თაობაზე. კახეთის რკინის გზა უფრო სასოფლო გზაა, თუმცა აქა იქ დიდრონ სოფლებსაც გაუბრის. ერთი სიტყვით მრავალგზის აიხსნება სადღურის ქალაქიდან ასე დაშორება და ძნელი სათქმელია ინჟინერები რომლით ხელმძღვანელობენ.

პირველი დღე ქალაქის დათვლიერებას მოვანდომე და არც შევცდი, რამეთუ საქმე დარბაზობით რომ დამწყყო ქალაქი უნახავი დამჩნებოდა.

უშესანიშნავესი ნაშთი თელავისა ერეკლე მეფის სასახლეა. იქ ამჟამად სასწავლებელია მოთაფსებული, სადაც პატარა ქართველი გოგონებს რუსულ ლაპარაკს ასწავლიან. უნდა გულოხბილად ითქვას, რომ ამ მხრივ სასწავლებელს დიდი საშახური გაუწევია და რაიმე სასწაულით რომ დღეს კახეთის ლოში, პატარა კახი, აღსდგდს, უექველი თელავში მას თარჯიმანი დასჭირდება. კიდევ კარგი, თუ აღდგომისთანავე პატივცემულ ფერშად

მარტინოვს გადაეყარა, რადგან ის ერთადერთი კაცია თელავში, რომელიც ქართულად ლაპარაკობს.

სასახლის ერთ პატარა ოთახში კედელზე ფირიტა მიჭედელი, რომელზედაც აწერია: „ამ ოთახში გარდაიცვალა მეფე ერეკლე“.

იქვე, (ვგოჯბ ბუხრის თაროზე,) მიყუდებულია პატარა ღია წერილი, რომელზედაც ერეკლე მეფე ხატია. წარმოიდგინეთ მე არ გამეცინა, როცა ყოველივე ეს ვნახე. არ გამეცინა იმიტომ, რომ თელაველები, როგორც საზოგადოთ ყველა ქართველები, ძლიერ ჭკვიანი ხალხია, და თუ მართლა საქარო იყოს ერეკლეს სასახლეში მისი ძეგლი, ან თუნდაც შესაფერი სურათი, ერთი სიტყვით თუ საქარო იყოს ამ კაცის პატრიის ცემა, განა ასე დასტოვებდენ დიდებული გმირის ოთახს? ვინ იცის, რაკი ერეკლეს „პატარა კახს“ ეძახოდენ, იქნება მართალია პატარა სურათი არის საქარო! მაგრამ თუ ვინცაბა ეს უყურადღებობა დანაშაულია კახეთის გმირის წინაშე, იმ შემთხვევაშიაც ახლანდელი თაობა ადელი გასამართლებელია.

საქმე იმაშია, რომ თუ ისტორიას დაუფერებთ მისი თანამედროვე ქართველები პირდაპირ აღმერთებდენ თავის საყვარელ მეფეს. მისთვის არ ზოგადდენ არა თუ შვიდ მანეთიან სურათსა და ჩარჩოს, თვით სიცოცხლესაც კი. ათ მცნებაში პირდაპირ სწერია, რომ გარდა ივგოვასი არავისი გაღერთება არ შეიძლება. მე ვფიქრობ და ალბათ თქვენც დაერწმუნებით,—**აი ამიტომ გაუწყრა ღმერთი საზოგადოთ კახელებს და კერძოთ თელაველებს.**

თელავის ბულვარი ზედ სასახლეზეა მიყრდნობილი და ჩემი მისვლისას საგანგებო სანახაობას წარმოადგენდა. ვილაც არაშხადს ჩამოველო და გზიდან ამარჩეული უზარმაზარი ქვები ყველა ზევით ამოეყარა. ამგვართ, საუცხოვო წალკატი აღმაშფოთებელ სანახაობას წარმოადგენდა. მიუჩვეველი ხალხი ხან აქ, ხან იქ ეცემოდა და შესაფერი სიტყვებით იხსენიებდა ამ საქმით ჩამოდენთ.

ამბობდენ:—**წუხელ საღამოს ქალაქის თავი ოტა შეზარხოშებული შემოვიდა ბაღში, ქვას ფეხი წამოჭკრა, წაიქცა და ცხვირი იღრძოო. ამიტომ განკარგულება გამოსცა ქვები ამოეყარათ ზეზე, რომ ფხიზლებსაც ფეხები წაეკრა და ცხვირები ეღრძოთ.**

მე ეს ამბავი არ მჯერა. მე გგონია ეს ჩემ წინააღმდეგ იყო მოწყობილი მახე, რომ სადმე ფეხი მომეტხა. საზოგადოთ ყველა ქალაქის თავი მემდურის, თუმცა არავისთვის არაფერი არ დამიშავებია.

ნადიკვარი, ეს თელავური ეიფელის კოშკია. იქიდან საუცხოვო სურათი იშლება თქვენ თვალწინ, და აი ამიტომაც თელაველები იქ თავს ღამით იყრიან: მაშინ მდელიოზე გორაობა ადვილი მოსახერხებელი საქმეა. ვისაც ბულვარის ქვებზე ხტუნაობა მოეწყინება, ის ნადიკვარის მინდორზე მდის სავარაოთ, ხოლო ვინც გული იჯერა ნადიკვარზე გორაობით, ის ბულვარის ქვებზე ხტუნაობით აგვირგვინებს ყოველდღიურ საქმიანობას.

როგორც ბულვარში, ისე ნადიკვარზე ყოველთვის მდებრობითი სქესი სქარბობს. შეიძლება ეს დღეს დღეობით იყოს, რადგან მამაკაცთა უმრავლესობა ჯარში და დრუქინებშია გახიზნული. განუწყვეტელი ჟიგოლ-ჩივილი, სიცილი და აყლურტული ჰზიზლავს უცხო მოგზაურს.

უმრავლესობა თელაველებისა რუსულ ენაზე ლაპარაკობს, ხოლო უმცირესობა რაღაც საშუალო, რუსულ-ქართულზე. წმინდა ქართულით მოლაპარაკე ჩემ დროს მხოლოდ ბ-ნი მარტინოვი აღმოჩნდა.

კულტურულ დაწესებულებათა რიცხვი თელავში ერთობ დიდია.

დავიწყეთ „მირთვოი ოტდელიდან“ ის გადმოღებულია ნადიკვარის მდლოზე და მედიდურათ დაპყრებს მთელ ალაზნის ველს. სახლი თეთრად არის შეღებილი და სასიამოვნო შთაბეჭდილებას ახდენს მკითხველზე.


თელავის კლუბი რომელიც პირდაპირ გადაპყრებს ბულვარის რიყეს, ორსართულიანი ფურის შენობაა. აქ იმართება წარმოდგენები, ვახშმები და სკანდალები. ხალხი ერთნაირის თანაგრძნობით ეკიდება ყველა დარგს კლუბის მიერ დასახულ მოღვაწეობისას.

სატუსალო დაბალს ერთსართულიან შენობას წარმოადგენს. ის გაშენებულია სასულიერო სასწავლებლის სამხრეთ დასავლეთ მხარეს. გარდა ციხისა (სატუსალოსი) თელავს აქვს კიდევ ვერდწოდებული „არესტის დომა“.

ერთი სიტყვით არ შეიძლება ითქვას, რომ თელავი ჩამორჩენილი იყოს სხვა სამაზრო ქალაქებთან შედარებით.

ეშმაკი.

ქართული კლუზის კულინაჟი.



ინჟენერი. რა ვქნათ ჩემო დაო, კანონი ასეთია, ბინა უნდა დასცალოთ, თორემ ჩვენ ჯერჯერობით არაფრად არა გვკვირია. აი დათუნას თუ დაფაყენებ შეგ.

გამოძახილი.

(სეფდიანი დიდინი)

ქალაქიდან წამოველ
სოფლად დავიარები,
სიციხე თუმც არ მაწლებს
გრილი არის დარები,
ბევრ მხიარულ ოჯახებს
მიუკეტავს კარები,
შებრაღლება არ არის
ვერვის მიეკარები.
დღღა ობლიათ დასტოვეს
(მოსტაცეს პატარები);
აღარ ისმის ღიღინი
ღროის გასატარები.

ვიცი თ ვისი ბრაღია
ჩვენი დამაბუნება,

მაგრამ ეს რა ცოდვაა
რომ გვიწყრება ბუნება?!
მოსავალი არ მოდის
სულ წაგვიხდა გუნება,
(გლეხი თავის ყანაში
ტყვილათ ებრაგუნება)
მეამულე სულსა გვხდის
მაინც გვებუნებება!
(მადლი არის მათრახით
მათი შეფუცხუნება).
ისეთი რა ვიზოვოთ
რომ არ დაიწყუნება
აღარავის არა სწამს
ქვეყნის გამობრუნება.

ყველაფერი გაძვირდა,
ხინკი არ იზონება!
ხალხი ხსნილშიც მარხულობს
(კარს მოადგა ცხონება!)

სიმწარემ დაუბნია
ყველას ქკუა გონება:
(მკითხავებს აღარ ყოფნის
საწყალ კაცის ქონება!)

ყველას უნდა ჩვენს ზურგზე
ლხენა, გაბატონება,
ემშაკი ვერ გაიგებს
ვინ დაგვეპატრონება.

მე კი ეს დრო არ მომწონს
და არც მომეწონება,
მაგრამ მაინც არ ვდარდობ
შორს სევდა-დაღონება.

ქალაქიდან წამოველ
სოფლად დავიარებო
თუმცა ეამი არა დვას
დროის გასატარები,
მაგრამ ბევრი გავიცან
სოფლის გამამწარები
და ქითაბში ჩავსწერე
მე იმათი გვარები.

ფეიქრობ ამით საწყალ ხალხს
რამეს მივებმარები,
მართალს კი არ დავზავრავ,
ფაქტებს დავემყარები.
ჩემი მწველი მათრახით
ვისაც მივებარები—
ვერ უშველის ხალხისგან
წანაღლეთი ფარები.

მათრახოსანი.

გოგისა და გლახუნა.

(გურული სტენა)

გამარჯობა შენი გლახუნა. რავე მოგიკუბრავს
ბერი-ბირი, რაცხა ფარცავი ამბავი არაა შენ თავზე.
ეჰო, მართლა მეორე სორტის რატნიკი ხომ არ
არ?

— ქე გცოდნია და რალას მახელებ გოგია თუ
ხაზარ. ველარ ხედავ მორეთ მოსვლა დგება რაცხა
ტრე ქრისტე მოვია რომ ამბობდენ, წროულს
რის მგონი, მია.

აი გეიგო ჩემმა
ლომა, ხვარანძიამ, მაინც არ იყო კაი სახის იგი
ჩვენებულო, წოუშვა დრუნჩი, ზლოუქუნობს და

ზლოუქუნობს. დუუგძელდა ცხვირი გერმანიის ყუმ-
ბარასავით, ჩუღუაღა ოჯაოლები ქავთარაძის სიმიწ-
დასავით, მომდგა და მომდგა:

-- შენ დედ-მამის ერთად-ერთი შვილი იყავი-
ვინაში არ წავიყვანებდენ მეგონაო, თვარა კაცი
ხომ არ იყო დალეული, შენ რომ წამოგყოზოდო.

მივეფერე:— ბეჩა რავე წავივილა ლახი, არც
მასეა ჩვენი საქმე მეთქინ;

თუ გაწყრა ღმე-
რთი და მართლა წამიყვანეს, თოფში მაინც არ გა.
მიყვანებენ, შემაგდებენ ქუნხაში, ვთლი და ვთლ-
ქართოფილს, ვაკეთებ და ვაკეთებ ხარჩოს, და თუ
აფეტრობას არა, ფერთობილობას მაინც კი მომარ-
ტყამენ მეთქი.

— მაი თუ მისეა, ვანი კი არა ქორწილი იქ-
ნება შენდა, ერთს გამოძღები და სულს მეთქვამო,
მითხრა ხვარანძიამ, შეიშმიტა ცხვირი და ამეიწმინ-
და თვალეზი. იგი ქე ვანუგემე პაწე, მარა ჩემი მა-
ნუგეშებულო აწი ვინლა?

— ვაი შენ საწყალო გლახუნა! ბიქო ასე
მტერი ნუ შეაშინოს ღმერთმა! ჰაიტ, შენ გლობა,
რავე წავსვლია ლახი, ღმერთია მოწყალე. მე რომ
გასწავლი ისე მეთქეცი და არ წავიყვანებენ.

— არიქა, გოგია, მიშველე, თუ რამე იცი
მასწავლე, მარა იი, საწამლაგი და სასუნებელი,
რუმაა, იმაზე ვერაფელი გზით ვერ დავგეთანხმები.

იგი ვინცხამ ღალია და უსუნა, რაც წეიკიდა
ქე იცი.

— მეიცე ბიქო, მიყურე, რის სასუნებელიო!
სასუნებელი კი არა, საქმელს მოუკელი პაწე.

თვარა, მე რომ ბორჩებს და კატლეტებს ვკამ...
სამი დღეა მოცვის კეკალეს მტეი არაფერი მიქამია
ყანაში, და წყავის დამწიფებას აღდგომის კევრცხ-
სავით ვუყურებ.

— იმ მოცვისა ვაანებე ამ ორ დღეს თავი
და კარგათ რომ მიკანკარისდები, ვაგსინჯავენ ბა-
თომში ან ოზურგეთში, და წავიწვინენ ბილეთზე:
სავერშენა ნე ზნაიტ ვაჟნი სლოუება, ბრაკული შე-
სდესიატ შესტი სტატიოა და ქე გამოგიშობენ სა-
ხში.

— ბიქო, გოგია! მია, ქე მექაშნიკა პატარე
ყურში. სულ არაფელს არ ვკამ, ახლანდელი ქა-
ლის ქამას უქმელი რომ იყო სულ იგი ჯობია. ვა-
ინა და უბედურობა აწი იქნება თურმე. გერბაღე
წერს ახლა თურმე ვაზეთში, ერთ ისეთ რამეს ვი-
ხამ, რე მე ქვეყანას ვავაკირებ და ქეც დავყრი

მერე ზავსო.

ამ თათრებს კი უტირეთ დედა: გაზეთებში სულ ასე სწერდა: „თათრები იხევეს და იხევეს უკანო!. არა იმ ოჯახებშია სქელი ჩაქურტის შეკერვა ქე იციან მარა, რა უსაშველო მაგარი ყოფილა, აგერ ერთი წელიწადია ახევენ უკან, მარა მაინც არ გათავდა იგენის უკან ხევა. ყორიფელია მარა აგი რალა ეშმაკია ქალაღღში რომ გამოგიხევეია? სატუტურკე ხუმ არ გიყილია?

— სატუტურკე კი არა, იგი არ გინდა, სიმინდის საყიდლათ მივალ ჩოხატაურში; ჩვენ კომპერატივაში ქე დაღეულია.

— ჰოი, დაგწყევლოს ღმერთმა! როის იყო ბიჭო ტომარას ასე უფრთხილდებოდი და ქალაღღში ხეველი?

— აი საკრეტია ჩემო გლახუნ, მარა შენ ქე გტყვი, რალას დაგიმაღაფ. აი ტომარე რომ კლაფ-ზე წამოვიკილია, გეიგებენ! გოგვიამ სიმინდე იყილია მომადგებთან ჩემი მეზობლის ქაღები, მომაყენებენ ქოთანს ქოთანზე, კოქობას კოქობაზე, კოთხოს კოთხოზე, შე ჩენჩილია მისესხე, მე ჩემო გოგია კარგათ დამიბეკნეო და ქე გამოიცილიან საქბილე ჩაკას. ნუ გეშინია ვარს ვერ ვეტყვი ვერც-ერთს. არა, ყველაფერი რამ გამწარა წაროულს ააჰ?! წახანე, სიმინდის საყიდლათ რომ გავებირე, ტომარე გამოფერთხე ხულეს წინდამ. „უუუუო!“ რომ იბრგვინეს ქათმებმა, მომალაგდენ მარა რაფერ, გამახსენდა რუსების ერში ნასტუბლენიე, გამეცინა დავახვანქალე აი თეთრი კბილები. შოუხტა მა მალმა და ზე წინა კბილზე მძიძგა ნიკარტი: თურმე სიმინდი ეგონა! პატარე უკან დევიწი თვარა, თლათ ჩამაყრევიებდა, ისე კი მოფამფაღებული ქე მაქ. ასეა საქმე გლახუნა. ვინ შემატყობს რაი მაქ ამ ქალაღღში, გადავიარ ასე ზედა ცინცა-ძნებიდან ძირ-ძირ, ვიყიდი ერთ ფუთ სიმინდს და რომ დაღამდებამ მევიგდებ ზურგზე და ქე ამოვიტან, კაკალი კაცი ვერ დამინახავს, ისე, შენ ნურსა იტყვი და, თუ დაბეკანილი არა, ჩენჩილას მაინც გასესხებ. ახლა შეიღობით გლახუნა, ღმერთმა დაბრკალული მანახოს შენი თავი.

ლუკაიეს ობოლი.



მ მ რ ა ჯ ა

ევროპის სახელმწიფოა, დღეს ომის მაწარმოები... ცოტად, თუ ბევრათ შელახა ავსტრიის მიდამოები.

გაწოლილია ზღვის ზურგზე, ვით ჩექმა, უზარ—მაზარი... აფრიკის ჩრდილოეთზედა თათრებს წარათვა ბაზარი.

მოდი, მას თავი მოგვეცეთ, ერთი ხმა, ასი ხმოვანი, მოგვეცეთ ორივე ფეხები, (ბრძოლად ვართ აღნაფრთოვანი) დაგვარება სამი ანბანი, ხმოვანი შორის უხმოთა და მისი კვალად შეკვეციოთ თავი არ შეიწუხოთა.

აწ სათევზაოთ წავიდეთ საღ ცრემლი მთისა სდიოდეს ბროლისა წყარო კამკამი ქვიდან ქვად გადასდიოდეს. იქ უყვარს იმას ცხოვრება, მალხაზს, ქრელ ქათიბინასა, შეზხარის ტყეთა სიმშვენეს, წყლის ჩქერას, დღესა მზიანსა. თუ დაიჭიროთ, მოსკეროთ მას კუდით, სამი ანბანი და მზად გვექნება უკლებლათ ჩვენ საზარადე საგანი.

დახეთ, რა სიტყვა გამოდის! რა საუცხოვეო კრებული! არა თუ მედიცინაში, სტრატეგიაშიც ქებული. მადლი მეუფეს, ბევრი გვაქვს ეს განძი, აწ ფას უღები, შიგ მობანავე კამეჩი, ურემი ჩანაყუდები.

და მტერი ვერას დაგვაკლებს თუნდ უძლეველის ძალითა, თუ შემოვფარგლავთ სამშობლოს ჩვენი შარადის რკალითა.

კოლო.

ნოქართა კლუბი

ერთხელ იქ შესვლით ვერრას 'შეატყობ,' გგონია საქმე გაჩარხულია, მაგრამ მე ვიცი გამგეობაში, ძაღლისა თავი დამარხთლია... ბევრჯელ მინახავს იქ სახანდარი, ლოტოს თამაში გამართულია, წარმოდგენები განზე გადასდევს რუსულ-სომხური, თუ ქართულია. მიზეზად ამას ასახელებენ: — მხად არა გვაქვსო დეკორაცია, განა როკოკო იყო საქირო, რომ გაეშართათ ერთხელ დექცია? სამკითხველო კი „ქების“ ღირსია შეყვარებულებს იქ უძვეთ ბინა, და ისიც ვნახე, შეზაყხაშებულს ერთ „ფრანტ. ყმაწვილ კაცს ტკბილად ეძინა. ამისი „სატრფო“ ყელ-მოღერებით, რომ აღვიძებდა „ფრანტ კავალერსა“ ასიც წამოდგა, ტკბილი ღიმილით აატრფოს შეგხო, მიუღერსა. კლუბი არსებობს მხოლოდ იმისთვის: დათერეს ივანე, პეტრე, ილია, დიდ „ხოდში იყოს ვინა საერო“ „ნავერტელე“ და ჩახოხბილია.

დღეს უნდა მოხდეს წლიური კრება, არჩენებისთვის დაიდგას ყუთი, და „სტარშინებიც“ ემზადებიან „რეში“ წარმოსთქვენ ხუთ-ხუთი ფუთი. ძველი ადგილი შეინარჩუნონ, ეტყობა ყველას დიდი აქვთ მადა... რაც, რომ „იშრომეს“ ისიც ეყოფათ, „დასვიდანე ბლოშე ნე ნადა.“

რ. ჯიბლ.

პროვინსიის კანტარა მოღვაწეები.

კოსტა ერქომიიშვილი.

„აზნაური“ კოწია ერქომიიშვილი დაიბადა მურიაში კარგა ხნის წინად, მხოლოდ თავის მოღვაწეობა დაიწყო მეოცე საუკუნის დასაწყისში. ვინ არის კოსტა? გარეგნული მოხაზულობით მქლე, ჩია კაცი,

მარა გარეგანი მოყვანილობა განსხვავდება მის ცხოვრების საიდუმლოებისაგან. ზართალია მან მეოცე საუკუნიდან შემოყრა ფეხი ოზურგეთში, მარა პირველ ხუთი წლის განმავლობაში არ იცოდენ მისი ვინაობა.

ოზურგეთის ვანათებამ გაანათა კოსტა, ამ ხნიდგან ის მოცურავს ზევით და დღემდის არ შეჩერებულა. 10 წელია კაცს არ დაუსვენია, 10 წელია „საქმიანობს!“

ოზურგეთში დაბუდების შემდეგ აიწია ზევით და მეორე სართულ სახლში შეჩერდა. აქ მან მოახდინა „ოჯახული“ ზრდის გათავება, მხოლოდ საზოგადო მოღვაწეობაში წინ წაიწია და ცალი ფეხით გადაახტა ოზურგეთს.

1906 წელს „რაიონის წარმომადგენლათ“ იქმნა არჩეული ოზურგეთში და შეუდგა „კასილიზმი-დიმიტრიზმი-ნიკოკიზმი“ იღვის ქადაგებას... ამაში მან კარგი ნიჭი გამოიჩინა და კიდევაც გამოიღო ნაყოფი. „იღვეური საქმიანობით“ ის არ კმაყოფილდება, ის მიიწევს მატერიალურ გაუმჯობესებისაკენ და იერიშები მიაქვს ქალაქის კასაზე:

ვერ მოითმინა-კოსტას სიწმინდემ თუმც ოზურგეთის აქვს სიყვარული და შიგნით შეძვრა-მოულოდნელათ გამოაცოცა მკირედი ფული. და ანგარიში რომ მოითხოვეს — კოსტას აუღის სხვა გვარი სუნი; გამოაცხადეს: — „ოთხასს მანეთის ძაღლებიაო გადათრეული“...


ამით არ თავდება კოსტას მოღვაწეობა. ის იხე გაიტაცა „საქმემ“, რომ „საარჩენო ომშიც“ ერევა.

ჩამოიარა მთელი ქალაქი, სამი მანეთი აქვს მიცემული, თითო ხმისათვის („შეგ-შტაბისაგან“ თითო კაცზედა გადაღებული)...

„ვისილიზმის“ დიქტატურის გათავების შემდეგ კოსტა „მოხუცდა“ და წელში მოიკაკვა... ეს მოკაკვა გამოიწვია ახალი ქალაქის „ლუმის“ შედგენამ და ტაქტიკური მოსაზრებით უმჯობესი შეიქნა „კანის“ გამოცვლა, რომ ახალ ცახზე ასულიყო... ეს კიდევ შესძლო.

მაგრამ ერთ ხანათ გამოიცვალა გამოიჩინა კეთილი გული, მოგვეხსენებათ, ეშმაკს შეაცდენს თუ მარცხნით მიღის მკირედი ფული...

პროვინციის პატარა მოღვაწეები.



ოზურგეთის „ბაზარნიკი“ კოსტა ერქომაიშვილი.

იმ დროს, როცა სხვა ვერ გაფასებს, სმჭიროა თვით დააფასო რა ღირხარ და აქედან თუ სხვა არ გაძლევს უნდა თვით აილო. კოსტაც ასე მოიქცა, მან დაასწრა სხვის დაფასებას და აილო.

ომიანობის ხანამ „გაახალგაზღვდა“ ბებერი კოსტა, წელში გაიმართა, გასწორდა და „მომაგრებული“ გამოდგა ფეხები ყოველ მხრივ... დღეს კრიზისია ქალაქის თვითმართველობაში, დაყუდებულია საქმე... ასე რომ „არ იციან რა ხდება დანიის ქვეყანაში“, ყველაფერი სურვილზეა და აქ კოსტა აქტიურობს...

შეუძლებელია ყველაფრის დაწვრილებით გარჩევა, მაგრამ მოკლე ისტორიიდანც საკმარისია კოსტას მსაყვინილობის განათება და ამ არევაში არ არეულა კოსტა...

ის იცავს ქალაქს-„გებრძვის“ ანტიბიენას და აი როგორ:

დუქნების უკან და მოედანზე
სეირნობს ხშირათ ძროხა, ან ღორი

კოსტამ კი იცის, რაშია საქმე აღებული აქვს ერთი ან ორი... თუ რომელიმე ვერ მიხვდა საგანს და „ჟუიმისოთ“ ღორი გადენა, მაშინ სეირი დატრიალდება, კოსტას მოპკითხეთ იმის შედგენა... ამ მიწურულში კოსტამ დიდი ნლობა დაიშს ხურა.


„მოღვაწეობა“ აქვს საკმარისი, მას ექვივება დღეს პარაკლისი, და მომავალში კვლავ შევეუსრულებთ თუ კი რამე აქვს აქ დანაკლიანი... წმინდა აქვს გული და სიყვარული მისთვის ღმერთია დღეს მხოლოდ ფული, და ამ ქვეყნიდან სამსხვერპლოსაკენ მიაქვს ჩვენ კოსტას ნათელი სული...

ფონ-ქაჯი.


გემოგრული შარჟი.

“სოფლის ფერშალი” შარჟი
ალ. ჟორჯოლიანისა.

იარაღის დაყრა.



ს. სუფსა



ომის დმერთმა, მარსმა, მხოლოდ ოროდღეჯერ წაიკითხა ბ.ნი გ. ბ—ლის ომის მიზოხილვა გაზეთ „საქართველოში“, უკვე იარაღი დაჰყარა, მ—ბ—ლის გადასცა მისი გამჭრიახობის წინაშე ქედის მოინარა.

მოსხენება.

ს. სუფსა.

სუფსაში გვეყავს პრევიზიორი, ვერსად ნახოთ მისი სწორი, ზარმაცია ვითა დოქა. და ჯუღტი-როგორც ჯორი. თორემეტ საათომდე სძინავს— (ისე ბდიო როგორც მძორი) გავდევინებ—ოღონდებზე, როგორც „დუმის“ ორატორი! წამოღებს მეტათ ძიროთა ყიდის (დგვეცალო ვეშლას ტორი!) თურემ ხმარათ დამეფობას (თუ არ არის მგეც ქორი). იმის ამბავს კიდევ მეტყუათ როცა მოვა დღეისწორი, თუ ემჯავი კაზუაო მყავს და ბათობის რედაქტორი).

წავაბრძო.

მთვ ქაიბი აბს
„ფერშალის რაღმში.“
(ბლ. ჟორჯოლიანი)

— კაკაია რაზნიცა, დოქ-ტორ ფაიტან, ის ლოსოზად.

ს. გუბი.

(ხვენი მოძღვრის გულგუთილობა).

მეზარე. მე ზევით ავალ, რადგან დროც არის, რომ დიორეკოს წირვისთვის ზარი, შენ დიაკონო, სინდისს გაფიცებ, ჰა კლიტე, მიდი გააღე კარი. სადაც იქნება, ხუთიოდ წუთში, აქვე გაჩნდება ჩვენი მოძღვარი და თუ მომისწრო კარ დაკეტილი, ველარ მიშველის ძილეთის ჯარი.

ღიაკ. — გინდა დარეკე, გინდა ნუ რეკავ, მაინც გაგვიდგა სამწყსო და ერი; გინდა გააღე, გინდა დაჰკეტე, მაინც შემსვლელებს არვის ველი! ნუ თუ დაჰკარგეს სარწმუნოება?! ა? განა არის ეგ დასაჯერი? წინათ საყდარი აღარ ყოფნიდათ, დღეს სადა არის მლოცველნი ჩვენი!

მეზარე ეჭ, ჩემო ძმაო, შენ კარგათ იცი, ის მიზნებები და ამოცანა, რამაც ეგ მრევლი, ერთ დროს ერთგული, დღეს შეარყია და შეაქანა. იესოს, ღმერთსა, ასე ამბობენ, კი ჰქონდა ქვეყნათ იმედნი ძალა, მთელი სიმდიდრე ამ წუთი სიფლადის, მოეკრიფა და ხელთ ჩაელაღა: მაგრამ ამბობენ, თვისი ცხოვრება ვით მათხოვარმა აქ განატარა, ორ პერანგშია ქადაგებდლო, ერთი მიგვეცა სხვისთვისა. მარა, ხომ ხელავთ მოძღვარს და მასთან შენცა, როგორ გაგიტებათ ესე ქვეყანა! თქვენი მუცელი აღარ აივსო, როგორც უძირო ჯვალის ტომარა; თქვენგნით სიწმინდე სარწმუნოების, გაუწმინდურდა და შეიბღალა!

ღიაკ. — რაო? რას ჩმახავ, შენ ჰე მეზარე!! — ნეტავი სადმე ხომ არ დამთვრალა?! მაშ მშვიერს ვივლი შენმა სიტყვმა?! ეს მათ გადაეცე ვინც დაგაბარა!..

მეზარე — შიმშილით რაღა? ჯამაგირი გაქვთ: მკედლარი, ცოცხალი კიდევ თქვენია და დრამა რიღას მაჩანჩალა,

რომელ ეშმაკის მონაგონია!? მე თუ მეზარეს, ზედმეტ შრომაში, დღეში აბაზიცი არ მიმონია, თქვენ მანეთები, სამი და ოთხი, ნუ თუ არა გყოფნით? არა მგონია! ორი თქვენ ოდენ გამოვიტყვები, სჩანს, ალბათ, მადაც მეტი მქონია, — მოდი, — სამივემ სწორათ ვაგიყუთ დღემდის ეგ თქვენი „მონაპოვია“!.. — უყურებ აგერ „ბორჩიკ“ ილიკოს და იმას უკან „პომოშნიკ“ ლუკას? ბრძანება არის და თქვენი თხოვნით, პირში აგლეჯენ სოფლელებს ლუკმას! თუ ფული არის, ხომ უკეთესი, თორემ სიმინდი, ნოხი ფარდაგი, — აი, ეს არის, ჩემი პახუმე, შენი და მოძღვრის ხალხზე ამაგი. ხალხს მარჩენალი ომში წაართვის გადასახადი, ომით, სამოცი და თუ რამ ჰქონდათ, უკანასკნელათ შემოაცალეთ ტანზედ სამოსი.

პომოშ. — დილა მშვიდობის ჩემო პახუმე! დილა მშვიდობის „სტაროსტა“ თედო!

სბორჩი. — დილა მშვიდობის! მღვდელი სადარის? მსურს თხოვნა მცირე შემოაუბედო!

მეზარე — რად გინდა მღვდელი? — ჰა ისიც მოდის. მშვიდობით, — უნდა შემოაჰყვრა ზარას, თორემ მღვდელი გამოჯავრდება, მიჯობს სიკვდილი მისს ხათაბალას..

მღვდელი. — გწყალობდეს ღმერთი, ის ერთათ ერთი!

პომ. სბორ. — შენდობა მამავ, — მოითხოვს რჯული!

მღვდელი. — თქვენ ეს მითხარით პატივცემულნი: — სულ მოაგროვეთ დრამისა ფული?

ილიკო. — სწორედ მაგისთვის ჩვენ გიახელით, რომ შელავათი მიეცეს ხალხსა, თორემ ვერ შესძლებს, ან რა გაუძლებს მოთხოვნილებას და ამდენ ხარკსა!? ზოგს მარჩენელი სახლში არა ჰყავს, ომში იცავენ „სამშობლო“ კერას, ზოგნი დაქირილნი დაბრუნებულან, ძაფი აწნა ჯერ განაკერავს. ზოგი ოჯახში ორნი იხდიან, თქვენივე შეწერით, მე მგონი გჯერავს! და გთხოვს, უმწურო, ხალხი მოძღვარო, რომ აპატიო სსეთებს ყველას!

მღვდელი. — რას ამბობ ბოშო, რის პატიება,

ეს ჩემს სურვილებს აღემატება,
 მაგას აგროვებს თვითონ ხაზინა,
 ზევიდან არის თანვე ბრძანება!
 და მე კი აქა, რაღა შვაში ვარ?
 ხომ ზედავ სხვისი ყოფილა ნება!
 და ესეც კიდევ რომ არა იყოს,
 მღვდელს ვერ გააძღებს, ლოცვა, ვედრება.
 უნდა იცოდეთ, მეც ვით მიწის შვილს,
 ქამა მკირდება, კუჭიკ მემსება.—
 და წადი დროზე, მოკრიფე ფული
 ან რაც უპოვოთ ის გამოდგება!

ილიკო.—ასე აზრობენ ზოგიერთ მღვდლებმა,
 მთლათ აპატივეს დრამის ფულია?!

მღვდელი.—ალბათ მდიდარი მრევლი ყოლია
 აქვთ ძველის ძველი შენახულია!
 ჩემი მრევლი კი, თავს ძლივსა ირჩენს,
 ისე ღარიბი და უძლურია!

(ჩუმათ).—შვილი ელიკო, ხომ გახსოვს ძველად
 ჩემი უღვაში, ჩემი წვერია?!
 განა ეს ხალხი არ იყო რომა,
 გამპარსა, როგორც კატორღელია?


(ხმა მაღლა) დღეს, პატიებას ჩემგან ითხოვენ,
 არა გრცხვენია—არა გრცხვენია!!

ილიკო.—მამაო იგი სხვა მრევლში იყო!

მღვდელი.—კმარაა მე ვიცი ყველაფერია!

შენ წადი, შენი საქმე აკეთე,
 ეგ თავი ტყუილათ აგიღერია,
 თან გაიყოლო ვინც გახლდა—ლუკა
 და შეასრულე ნაბრძანებია!
 აბა მშვიდობით!—და გაათავა!
 წირვას შეუდგა ეკლესიაში
 და მოციქულნი ასეთ პასუხით
 დაღონებულნი დასტოვა კარში.
 შენ ჰე მეზარევე! შვა წირვის დაჰკარ!
 -- არ მოაცილო მინამდის ხელი,
 სანამ ურწმუნო არ დაარწმუნო,
 რომ ეს ქვეყანა არ არის თქვენი!!

სატანა.



სამტრედიიდან.

ბედმა ცული დრო გვარგუნა:
 აირია მონასტერი,
 და მოყვრობას გვეფიცება
 გუშინდელი ორგულ-მტერი.

—
 მოყვარე კი ვით იულა
 ურცხვად გვეყლის შტერზედ განა,
 და პირში კი გვეფიცება:
 არ გავს მოძმე შენისთანა.

—
 ჯერ ჯვარს გაცვამს ვით პოლატე,
 „ტაქტიკური“ მოსაზრებით,
 და მერე ვით უცოდველი
 ატირდება კვლავ ცრემლებით.

—
 განა ამას ფიფქრებდი
 მე ბედ შავი, მე ბედ კრული,
 ლაქიობას ჩიიღენდა
 დეპოს ჯგუფი „შეგნებული“?

—
 მისიუროვ კომპანიას
 გახდებოდა იგი მონა?
 გეფიცებით არ მჯეროდა
 გეფიცებით არ მეგონა!

—
 მაგრამ ახლა სხვა დრო არი
 ყველგან ზღება სასწაული,
 ხშირად მოძმეს გაყიდიან
 თუ ოიგეს სხვისი გული.

—
 აქაურსა ბობოღებზე
 კიდევ იოქმის რამე განა?
 აბა როდის ღირსებიათ
 დრო და ეამი ამისთანა?

—
 დღეს კი ყველა მოღვაწეა
 ხალხის დიდი მეგობარი,
 თუნდა გოგი ანდლულაძე
 სამტრედიის აფთეპარი

—
 მისი ღმერთი ქანქარია,
 სალოცავი --, რეცეპტები,
 და მალულად გამოუცვლის
 თუ არ მოსწონს ექიმები.

კლუბში ზამსახლისობდა
იყო ერთობ მეტიჩარა,
ერთხელ მარცხი მოუვიდა
ლამის ფულმა შეიყვარა.

ბესოც მეტად გავვიავდა
რაც მათრახში დაიწერა,
მგონი სულში უჩივლია,
ვაი „აღის“ ბედის წერა...

ღვაიპტიკებ მე საჯაროთ
ფული არ მძულებოდა,
და შემცდარა რედაქტორი
რომ ეს უნებებიაო.

ათას მანათს გადაიხდის
ოცი მუხლის ძალითაო,
ან ციხეში მიბრძანდება
რედაქტორი „ალითაო“

რა ხანია დაიკარგა
სამტრედიის ბანკის თავი,
არ იციან ტყვეთაა თუ
„ქანქრის“ ველზე საცოდავი.

ალი.

ჩემი თავგადასავალს თიკილსუი.

(მეგობრის ნაშობობა)

1. თბილისი.

მატარებელი ელვის სისწრაფით მიმაქროლებოდა თბილისისაკენ. ტკბილ და სანეტარო ფაქტებში გართული ვიჯექი მე მატარებლის სარკმელთან და უაზროთ გავიყურებოდი საღდაც შორს, შორს ცის სივრცეში. ის იყო ღამე დღეს ეყრებოდა, თენდებოდა, განთიადი ბტრედის ფრად ეფინებოდა ამწვანებულ კეკლუს არე-მარეს. ბუნებაც იღვიძებდა, იმშუშნებოდა და აღმოსავლეთით სულ ახლად ამონატუორცნ ელვარე მზის სხივებს, ღიმილით ეგებებოდა... რა მშვენიერი, რა ნაზი და მომხიბვლელია ახლად გაღვიძებული ბუნება და მეტადრე მაშინ, როდესაც გასცქერი მას ელვის სისწრაფით მიმავალ მატარებლიდან; ბუნების სხვა და სხვა სურათები სინემატოგრაფიული ღენტის სიჩქარით გადის შენს წინაშე: მთები მთებს სცვლიან, ველნი

ველს, მოღუდუნე მდინარეები მდინარეებს. დიახ, მომხიბვლელი იყო ბუნება, მ ტარე იმ სანეტარო დილას; -მაგრამ ბუნების ასეთი სიმშვენიერე ჩემს გულს რაღაც არ ხვდებოდა, ვერ მიპყრობდა მისი სილიმაზე, ვერ მიზიდავდა მისი სინაზე. ჩემი გული და გონება სულ სხვას დასტრიალებდა თავს.

ოჰ, შენ ვერ მიხვდები მკითხრელო თუ რაზე ვვოცნებობდი მე, ვერა! მაშ გეტყვი: მე მისრულდებოდა დიდი ხნის წადილი, დიდი ხნის გულში ნადები სურვილი-მე საათის შემდეგ პირველათ ვნახავდი თბილისს ჩემი სამშობლოს დედა-ქალაქს, გორგასლანის ხელით ანაგებს! „თბილისი“ ღმერთო, რაოდენ სიხარულს და ბედნიერებას მგვრიდა ეს სიტყვა! საკმარისი იყო გამეგონა ეს სიტყვა, რომ ჩემი მთელი პატრიოტიული არსება სიხარულის ცახცახს აეტანა. დიახ, მე სამი საათის შემდეგ ვნახავდი თბილისს, ჩვენს მშვენიერ თბილისს, სადაც ყოველი აღამიანი საქმიანობს, სადაც გაჩაღებულია ნამდვილი კულტურული მუშაობა სადაც ყალიბდება ახალ-ახალი „პარტიები“ და ცხვება-იჩეკება ახალ-ახალი „ორგანოები“, სადაც იგზნება და გუზგუზებს „სიტყვიერი“ ომის ცეცხლი ინტელიგენტთა შორის, სადაც ერთი სიტყვით ცხოვრება სდულს და გადადის! თუმცა თბილისამდი ჯერ კიდევ კარგი მოგძო მანძილი იყო, მაგრამ ჩემი სული სხვულს გაპყროდა, თბილისისკენ გადაფრენილიყო მას დასტრიალებდა თავს და ქება დიდებას ასხამდა მისთვის მუდამ მზრუნველ და მოჭირანხულე ქალაქის „მამებს“. ჩემი გონება კი რაღაც გამალებული, აჩქარებული მუშაობდა, მას სურდა ოცნების საშვალეებით წინდაწინ წარმოედგინა და დაენახა თბილისი მისი მშვენიერი სუფთა ქუჩებით, ტრამვით, გვირგვინოსან ქალაქის თავით, სამოქალაქო საქმით დატვირთულ ხმონებით, ბედნიერ და „სრულყოფილებიან“ მოქალაქეებით, „სინდისიერ“ ღიბიან ვაქრებით, შემონახულ შაქრებით, სანიტრულათ დაცულ რესტორანებით და ვინ იცის კიდევ რით. ამ სანეტარო ფაქტებმა ისე გამიტაცა რომ ვინ იცის როდის გამოვირკვევოდი, თუ უეცრად სწორედ ჩემ ყურთან კონდუქტორს თავისი ბოხის ხმით არ დაეყვირა:

— Билетъ, господа, билетъ!

ეს ხმა ჩამწვდა ყურში, დამირღვია ოცნება და გამომალევიდა. შეუმჩნეველათ გასულიყო სამი საათი, მატარებელი ყიყინით უახლოვდებოდა თბილისის საღგურს; აი კიდევ გაუსწორდა და ქშენით გაჩერ-

და. მთელი სხეული აღტაცებისაგან მიცახცახებდა, გულიც ისე ძალზე ტრავდა, რომ ბუღიდან გადმოვარდნას ლამობდა.

— „სალამი ჩემო ბებერო თბილისო, ძლივს მელირსა შენი ნახვა, შენი ცქერით დატკობა, ჩემო სამშობლოს დედა ქალაქო, მიიღე შენი უღირსი შეილი შენს მფარველ ფრთებს ქვეშ!“ აი ეს სიტყვები აღმოჩნდა მე გულიდან თბილისის დანახვის დროს, სწრაფათ დავავლე ათრთოლებული ხელი ჩემს ჩემოდანს და თითქმის სირბილით გადმოვეშვი მატარებლიდან, ძლივს ძლივობით გავარდვიე ზაქანზე მოსიარულე ხალხი და როგორც იყო შევედი სადგურში.

2. პირველი მარცხი.

სადგურიდან რომ გადმოვიარე და ქუჩაში გამოვედი, ჩემი ყურადღება მიიპყრო იქვე ახლო მოგროვილმა ხალხმა. მე განმაცვივრა მათმა მღვგომარეობამ: ზოგი მათგანი ქვეზე იჯდა, ზოგი ფეხზე დგომით გაზეთს ათვალეირებდა, ზოგი ბოლთის ცემით ჰაპიროზს აბოლებდა და ყველანი კი საერთოთ რაღაც მოუთმენლათ ხშირ-ხშირათ ხან მარცხნივ გაიყურებოდნ და ხან მარჯვნივ. მათ მოუსვენარ სახეზე ადვილათ შეამჩნევდით, რომ რაღაცას უცდიდნ, რაღაცას ელოდებოდნ.

— ვის უცდის ეს ხალხი აქ? — შევეკითხე ერთ ახალგაზდას, რომელსაც ხელში „საქართველო“ ეჭირა, კითხვა აღბათ მომეზრებოდა და ახლა დროს გასატარებლათ ქინძისთავით ჩხვლეტდა და რაღაც ნაჩხვლეტების სურათები გამოყავდა ზედ *).

ჩემი კითხვა აღბათ მას ძლიერ ეუცხოვა, რადგანაც მაშინვე არ მიპასუხა, ჯერ იქვის თვალით ამათვალ-ჩამათვალეირა და შემდეგ როდესაც დარწმუნდა, რომ ახალ ჩამოსული ვიყავი და სრულიად უკოდნარი ადგილობრივი ვითარებისა, მოკლეთ მომიგო:

— ტრამვის ეუცდით.

— ტრამვის უცდით, ჰმ... მე მხოლოდ მაშინ შევაჩნე იქვე ქუჩაზე ტრამვის ლიანდაგი და მხოლოდ მაშინ გამახსენდა რომ თბილისში ტრამვი არსებობდა.

მეც ხომ ტრამვით უნდა წავიდე ქალაქში, მაშ მეც დაუცდი, გავივლე გულში, დავდვიე იქვე ჩემი ჩემოდანი, დავაჯექი ზედ, შემოვიდგი თავზე

ხელი და დავიწყე ლოდინი. თან გული სიამოვნებით მიძგერდა, ცოტა ხანი კიდევ და მეც გავქროლები ტრამვით თბილისის ქუჩებზე, ვფიქრობდი მე, აღბათ კიდევ ბევრი ლოდინი მომინდა რადგანაც ამ ფიქრებში კიდევ ჩამძინოდა. მე მხოლოდ ზარის რაწყუნმა და შორიდან მომავალ ტრამვის ხმაურობამ გამომადგოდა. ტრამვის მოსვლაზე ხალხი აღელდა, წამოიშალა და ალყასავით გარს შემოერტყა მას. რომ უადგილოთ არ დავრჩენილიყავი და კიდევ ლოდინი არ დამქვივებოდა, მეც სწრაფათ წამოვიჭერი ზეზე და ელვის სისწრაფით გავექანე ადგილის დასაქერათ. დიდი ბრძოლისა და იერიშების მიტანის შემდეგ, რომლებმაც არა ერთი და ორი შეკურთხება მარჯუნა წილათ, გავარდვიე ხალხი და დავიქირე ადგილი. ოჰ, როგორ სიხარულით ამიფეთქდა გული, როდესაც ამაყად წამოვეგე ტრამვის სკამზე ჩემში გამარჯვებული რაინდის სიამაყემ დანსადგურა! ირონიულს ღიმილით გადავსქეროდი ძირში მოჩონქლოე ხალხს, რომელიც ერთმანეთს თავპირს ამტვრევდა ადგილისათვის და გულში ეშმაკურად მეცინებოდა. მე ახლა მოუთმენლათ მხოლოდ ტრამვის დაძვრას ველოდი. აი კიდევ დაუსტვინა კონდუქტორმა, მას მოყვა ზარის რაწყუნი და დიძრა ტრამვაი. მეც ძლივს, ის იყო თავისუფლათ ამოვისუნთქე, რომ უეტრად კისერზე რაღაც რბილი საგანი ჩამომაწვა. საგანის სიმძიმემ თავი უნებლიეთ ჩამაღუნვია, როდესაც დიდი გაჭივრებით ზევით ავხედე, მხოლოდ მაშინ დავინახე, რომ ვიღაც სქელი ჩასუქებული, წვერებ მოპარსული და თავ-მელოტიანი სერთუქოსანი კისერზე დამჯდომოდა. მას ფეხები ჩემს მხრებზე გადმოეშვა და თითქოს აქ არაფერიყო, არხეინად ჰაპიროზს აბოლებდა. „ღმერთო ეს რა არის ჩემს თავზე!“ თითქმის ხმამაღლს წამოვიძახე მე. ბრაზმა ამიტანა, შეურაცყოფილი ადამიანის რიცხვა ყელში მომაწვა! მე მზათ ვიყავი მომეკრიბა უკანასკნელი ძაღ-ლონე და ეს ჩემი უზრდელი მხედარი გაქანებულ ტრამვიდან ქუჩაში გადმოემსროლა. მაგრამ აქ ერთმა გარემოებამ შემაყენა, როდესაც ჩემს გარშემო მივიხედ-მოვიხედე დავინახე, რომ ვინც სკამზე იჯდა ყველა ჩემს გარემოებაში იყო, თითოთითო მგზავრი ყველას ეჯდა კისერზე.

— „აქ, აღბათ ასეთი კანონი არსებობს, ვინც ტრამვაიაში ადგილს იშოვნის მან უექველად თავისი კისრით თითო მგზავრი უნდა წაიყვანოს!“ გავივლე გულში და დავემორჩილე ჩემს ხედრს. ახ-

*) თუ ცამეტი ნაჩხვლეტი იყო, განზრახვა ადვილი ასახსნელია.

ლა მხოლოდ მე ჩემს თავს ვუბრაზდებოდი აჩქარებისათვის და ადგილის დაკავებისათვის. ჯერ კიდევ კარგათ ვერ გამოვრკვეულიყავ, ამ შეურაცყოფისაგან, რომ უეცრათ მემანქანემ ისე სწრაფათ შეაჩერა გაქანებული ტრამვაი, რომ მთელი ვაგონი მგონი ერთ საყენზე შეხტა, საშინლათ შეინძრა, ჩემი მხედარიც შეტორტმანდა და მგონი ჩემს კისრიდან ძირს გადმოკოტრიალდა, მეც მოვწყდი ჩემს ადგილს და წინ გადავეშვი, თავი ტრამვის რკინის სვეტს მივარტყი, აქ წამოდგომა დავაპირე, მაგრამ საუბედუროთ ჩემი ჩემოდანი გამოამეღვა ფეხებში, ხელმეორეთ წავიქეცი და ჩემი ჩემოდნიანა ტრამვიდან ქუჩაში მოვადინე ბრავდანი. აქ ალბათ გული შემიწუხდა, რადგანაც მას შემდეგ რა მოხდა აღარაფერი მახსოვს.

3. ბრძოლა ქუჩაში.

როდესაც გამოვერკვიე და თვალი, გვახილვე უპირველეს ყოვლისა მე დავინახე ჩემს წინ აღმართული უზარ-მზარნი წითლათ შეღებილი და დაზღაზე წამოდგმული ბოქა, რომელზედაც სხვილი ასოებით ეწერა: „Холодный русский квасъ, кружка 2 коп.“ თავი ალბათ კიდევ მიბრუოდა, რადგანაც ასოები ბოქაზე ხტოდნ და ცეკვავდნ. მთელი ტანი რაღაც მოღანთული მქონდა, აგერ-ეგერ ტკივილებსაც ვგრძნობდი. მე გამაკვირვა ჩემმა მდგომარეობამ; ვერ მომესაზრა სად ვიყავი და რა დამმართოდა. მაგრამ ამ დროს ვილაკამ თავზე მგონი ცაფი წყალი დამაპკურა, ამას მოყვა ხმები: „დახე, დახე თვალი ვახილა! მგონი მორჩა არა უშავს“ ამ სიტყვებმა სრულიად გამომარკვია, მომაგონდა ჩემი თავგადასავალი ტრამვაიზე. წამოდგომა დავაპირე, აქ ვილაკა დამეხმარა და ზეზე წამოვეჯექი. მივიხედ-მოვიხედე და დავინახე, რომ ქუჩაზე, საკვასე „ბუტკის“ წინ ვიყავი. ჩემს გარშემო აუარებელი ხაფხი შეგროვილიყო და ცნობის მოყვარეობით მიტყვეროდნ. ზოგ მათგანს ღიმიც უთართოდა პირზე.

— როგორ გრძნობთ თავს? — შემეკითხა მე უცელ წამოსიებული სქელი ქაღაროსანი კაცი, ალბათ თვი თონ მეკვასე.

— გმადლობთ, არა მიშავს რა, მხოლოდ თმა აქვს გაწებული მგონი სისხლისგან, ალბათ ძლიერ დამიკრავს თავი ქვაზე რომ სისხლი მიდენია, ვუბასუბე მე. თვა მართლაც სულ გაწებული მქონდა.

— არა ყმაწვილო, ევ სისხლით არ არის, როდესაც ფულშეწუხებული იყავით, ცივი კვასი დაგაპკურეთ თავზე, კვასი ხომ იცით შაქრიანია და უეჭველია იმის ბრალი იქნება, მომიგო მან ღიმილით, ამაზე ხალხშიც აგერ-ეგერ სიცილი ატყდა.

— კვასი რისთვის!? ცოტა უხერხულათ შევეკითხე მას.

— ჰმ! თქვენ ალბათ ახალ ჩამოსული ბრძანდებით, რომ ეს არ ცკოდნიათ, დღით აქ ქალაქში წყალი არ იშოვება და მას რა გვექნა? ისევ ღიმილით მიპასუხა მან.

მე უხერხულ მდგომარეობაში ჩავარდი ჩავარდი, კიდევაც შემრცხვა ჩემი ასეთა უცოდნარობა. უხერხულობის გასაფანტავათ ტანსაცმელს და ქუდს დაუწყე ულაზათოდ ბერტყვა, რომლებიც მტვერში თრევით სულ ერთიანათ გასვრილიყო. შემდეგ მადლობა გადაუხადე ჩემს მზრუნველებს, გამოვეშვიდობე და გავსწიე ჩემი მოგზაურობის გასაგრძობათ. „ოჰ, როგორ ღმერთი გამიწყურება და შემდეგში კიდევ ტრამვაიში ჩავჯდები?!“ ვამბობდი ჩემთვის და მივდიოდი საკმაოდ გრძელ და ფართე ქუჩაზე. საშინლათ ცხელოდა, მზეც პირდაპირ თავში მიცხუნებდა, დავაპირე ქუჩის მეორე მხარეზე გადასვლა რადგანაც იმ მხარეზე უფრო გრილოდა. ის იყო შუა ქუჩას მივალწიე და ტრამვის ლიანდაგი უნდა გადამერო, რომ უეცრად სად იყო სად არა გამოჩნდა შორიდან ავტომობილი, ის მოქპროდა სწორედ ჩემს პირდაპირ. მე შიშით დაუცალე გზა და მარცხნით გადუხვიე მაგრამ ჩემდა განსაცვიფრებლათ იმანაც მარცხნით გადმოუხვია მე გავექანე ისევ მარჯვნივ, ისიც მარჯვნივ წამოვიდა, მე ხელმეორედ მარცხნით წივედი ისიც მარცხნით გამომყვა. აქ მე სრულებით დავიბენი, ვერ მოვისასრე ქუჩის ტროტუარზე გადასვლა „სწორედ ჩემი მარცხი სწავლია მეთქი“ ვიფიქრე და ანგარიშ მოუკემლათ რაც ძალი და ღონე მქონდა მოვკურცხლე პირდაპირ შუა ქუჩით, ავტომობილი კი უკან მომედგა; მაგრამ დიდხანს აღარ მიბრენია, მალე მუხლებმა მისუსტა და ღონე მიხდილი, დასუსტებული დავეცი ქუჩაზე, სულს ძლივს ვითქვიმიდი, გული მიღონდებოდა, რადგანაც სიკვდილის მოახლოვებას ვგრძნობდი, აი ერთი თვალის დახამხამება და გადამივლის ავტომობილი და ვათავადები ვფიქრობდი გულში... მაგრამ უეცრათ ვილაკის მადლიანმა ხელმა ელვის სისწრაფით ამიტაცა ზევით და ქუჩის ტროტუარზე დამსვა, ალბათ ძლიერ სწრაფათ მოხ-

და ეს ყველაფერი, ჩემი აყვანა და ავტომობილის იმ ადგილზე გასრიალება ერთი იყო.

კოტა ხნის შემდეგ, როდესაც მოვსულიერდი და დავწყნარდი, მე დავინახე ჩენს წინ მღვარი ახალგაზდა ყმაწვილი, რომელიც მზრუნველობით შემომტკეროდა.

— ხომ არ დავშავებიათ რა?—ტკბილათ შემიკითხა ის.

— გმადლობთ, არაფერი.

— კინაღამ არ გავსრისათ იმ ვერანამ, ძლივს მოვასწარი თქვენი აყვანა.

— ოჰ, ეს თქვენ იყავით! მაშ, თქვენ გადამარჩინეთ სიკვდილისაგან?!

გმადლობ, მეგობარო გმადლობ.—აქ მე გადავეხვიე უცნობს და გადავკოცნე—ოჰ, ამას შე ვერ გადაგიხდით მეგობარო, მაგრამ ეს აქ რა ამბავი ყოფილა?“ აღელვებული ვამბობდი მე.

— ააა, თქვენ აღბათ ახალ ჩამოსული ბრძანდებით და არ იცით, რომ აქ ქუჩებში ბრძოლაა გაჩაღებული.

— როგორ თუ ბრძოლა? გაცივრვებით შევეკითხე მე.

(დასასწუჯი აქნება)

ლონდინიუს პოდბიუნტა.

წერილი რადკაქსიის მიმართ.

პატივცემულ თქვენი ჟურნალის 15 № ში ბ-ნი არონ ტულუში წინანდადებას მადლევს იმ ჩემი „გამოცანა ლანჩუთისთვის“ შესახებ, რომელიც დაიბეჭდა ამავე ჟურნალის 4 № ში, რომ ან გავაცხადო: გამოცანა არ ეხება ტულულუსს და ან გავყვე მას სამართალში, თორემ ცილის მწამებლის სხელთ მონათვლას მემუქრება.

ამის შესახებ ბ-ნ ტულულუსის საყურადღებოთ ვაცხადებ შემდეგს: ხსენებულ გამოცანაში არავისი და მაშასადამე არც ბ-ნ ტულულუსის და მაშასადამე არც ბ-ნ ტულულუსის ვინაობა არც ტიტული არარის ნახსენები სადაც აშკარაა ვერავენ და ვერევის ვერც შეითვისებს და ვერც მიათვისებს გამოცანის შინაარსს იურიდიულათ, რადგან გამოცანაში დახატულია ტიპი მავნე ადამიანისა, რომელიც ყოველ საზოგადოებაში და მით უფრო ლანჩუთშიაც მოიპოვება, რომელიც აწუხებს და ატყუილებს, როგორც საზოგადოებას ისე მთავრობას და არა თუ დაუსჯელად, ხშირათ სხვის დამსჯელათ და კანონის

„დამცველადაც“ რჩება, მარა მისი ვინაობა დრომდის მარტო მისმა მონაწილეებმა იციან, მხოლოდ ნამაქმედარს მის მთავრობაც და ხალხიც ხედავს და დაეძებს კიდევ. დასასრულ, გამოცემაში თუ ვინემ თავის სახე დაინახა იცნო ავტორი ამაშიაც უდანაშაულოა თვარა მტერმა (როგორც ტულულუსი ამბობს) რამდენიც უნდა იძახოს. ი. ე—ქემ კაცი მოძკლა, ვლ. გ—ქემ ლუქნებო გაქურდა. ბ. წ—ქე ყაჩაღებთან ცხოვრობსო არც საზოგადოება და არც ბატონ ტულულუსი ამას ისე არ დაიჯერებს, როგორც თვით ტულულუსედ გამოცანის ბრალდებას. პატივცემით ბუტუნა.

ლიხ წერილი

ბატონო ეშმაკო!

მივიღე თქვენი წინადადება მამა გიორგი კვირკელიას შესახებ და შეუდგეი კიდევ მეორე მუხლის სისრულეში მოსაყვან ენერგიულ მუშაობას. რაც შეეხება პირველ მუხლს აუქმებს მესამე მუხლი, რადგან ჩემს ძალას აღებატება მავი გიორგის საზოგადო მოღვაწეობის სრული აღწერა და ლმობილესად ვსთხოვე თქვენს რედაქციას გამოგზავნოს განსაკუთრებული და სავანგებო გამოძიებელი აღნიშნული საქმის სისრულეში მოსაყვანათ.

პატივისცემით ბუტუნა.

მამა გიორგი კვირკელიას.

პატიოსანო მამაო!

იმ ინიცინდენტის აღნიშვნის გამო, რომელიც მთელმა ფოთმა, საპოლიციო განყოფილებამ და მომრიგებელმა მოსამართლემაც კი იცის, თქვენ გინებებია ჩემი დასჯა ისეთის საშეაღებით, რომლის წინააღმდეგ ქეშმარიტება და მოწამე ნაკლებათ გამოდგება თურმე, რისთვისაც მე მივმართავ თქვენს სათნო და კაცთ მოყვარე გულს, შესცვალოთ გზა ჩემის დასჯის და მაგებინოთ პასუხი ისეთ სასამართლოში სადაც „ლიფაშაცია“ არ შევა ძალაში და ყოველი დამინაშევე შესაფერად დაისჯება. თუ თქვენ ამას არ ინებებთ თქვენი საქციელი იმიზაც აშკარა გზებთა ვინც ღღემდის არა იცოდა რა.

დავშთები თქვენი მორჩილი ბუტუნა.

კალსა თჳილისუი

გამოდის ყოველ-კვირეული იუმორისტული გამოცემა

ეჭმაკის მათრასი

ჟურნალის სამხატვრო და სალიტერატურო მხარეს განაგებენ **ეჭმაკი და თაგუნა**,
ხოლო გამოცემის საქმეს ა. გ. ბუკია.

ჟურნალის ფასი - 12 თვით 5 მ. ♦ 6 თვით 3 მ. ♦ 3 თვით 1 მ. 50 კ. ♦ 1 თვით 50 კ.
„ეჭმაკის მათრასში“ დაიბეჭდება მხოლოდ იუმორისტული შინაარსის წერილები, ლექსები, მოთხრობები, ზღაპრები,
არაკები, შარადები, გამოცანები, ნაკვესები და სხვა.

◆ ჟურნალში დაიბეჭდება საერთაშორისო ომის ილიუსტრაციები.

რედაქცია სთხოვს ყველა თანამშრომლებს, მასალები გამოგზავნონ

ამ ადრესით:

Тифлисъ *)

С. Р. Таварткиладзе.
Олгинская 6,
Почтов. яш. № 96.

(ეჭმაკის მათრასისათვის)



*) ეს ადგილი კონფერტზე მარკისათვის არის დანიშნული და გულმამიწეებს მოვარგანებთ, რომ
უმარკო წერილებს რედაქცია არ დაიხსნის